



Ein cyf/Our ref IM/RE/10583/24

Andrew RT Davies AS
Cadeirydd
Pwyllgor yr Economi, Masnach a Materion Gwledig
AndrewRT.Davies@senedd.cymru

3 Mawrth 2025

Annwyl Andrew,

Yn dilyn cyfarfod Pwyllgor yr Economi, Masnach a Materion Gwledig ar 15 Ionawr, cytunais i ysgrifennu atoch i roi rhagor o fanylion am ein cynnydd wrth gyflawni'r Cynllun Gweithredu Allforio ar gyfer Cymru.

Mae'r Cynllun Gweithredu Allforio yn amlinellu mesurau trosfwaol ynghylch effeithiolrwydd ein gweithgareddau a'r cymorth rydyn ni'n ei ddarparu i fusnesau ar gyfer allforion, gan gynnwys:

- Nifer y busnesau rydyn ni wedi ymgysylltu â nhw
- Nifer y digwyddiadau sy'n cael eu trefnu yng Nghymru a Thramor
- Gwerth archebion allforio newydd y busnesau rydyn ni wedi'u cefnogi, mewn marchnadoedd newydd a rhai sydd eisoes yn bodoli

Mae'r ddogfen ynghlwm yn rhoi'r wybodaeth ddiweddaraf am y cynnydd wedi'i wneud wrth gyflawni'r holl gamau gweithredu yn y cynllun, gan gynnwys nifer y busnesau sydd wedi derbyn cymorth allforio a nifer y digwyddiadau masnach yng Nghymru a thramor wedi'u cynnal ers cyhoeddi'r Cynllun Gweithredu Allforio ym mis Ionawr 2021. Fel yr adroddwyd yn flaenorol i'r Pwyllgor, o ganlyniad uniongyrchol i ymyriadau'r rhaglen, mae Tîm Allforio Llywodraeth Cymru wedi cofnodi bod mwy na £300 miliwn o werthiannau allforio newydd wedi cael eu sicrhau gan fusnesau Cymru, gyda thua £700 miliwn mewn cyfleoedd allforio wedi'u nodi o ganlyniad uniongyrchol i gymorth allforio gan Lywodraeth Cymru.

Yn gywir,

Rebecca Evans AS/MS
Cabinet Secretary for Economy, Energy and Planning
Ysgrifennydd y Cabinet dros yr Economi, Ynni a Chynllunio

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Correspondence.Rebecca.Evans@gov.wales
Gohebiaeth.Rebecca.Evans@llyw.cymru

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Cynllun Gweithredu ar gyfer Allforio – y diweddaraf o ran cyflawni (ar ddiwedd mis Ionawr 2025)

	Cam Gweithredu	Diweddariad
Cam 1 – Ysbrydoli Busnesau i Allforio		
	Tymor Byr	Cynnydd
1	Gwneud ein rhwydwaith estynedig dros dro o Gynghorwyr Masnach Ryngwladol yn rhan barhaol o'n tîm yng Nghymru. Mae'r rhwydwaith yn gweithio ar draws Cymru a bydd yn sicrhau bod arbenigwyr ar gael 'ar lawr gwlad' ym mhob rhan o Gymru i ddarparu cyngor a chymorth i fusnesau ar allforio.	Mae pob un o'r rolau Cynghorwyr Masnach Ryngwladol a oedd yn swyddi dros dro pan gyhoeddwyd y Cynllun Gweithredu ar gyfer Allforio bellach wedi cael eu gwneud yn rhai parhaol o fewn Tîm Allforio Llywodraeth Cymru. Mae'r tîm yn parhau i ddarparu cymorth 'ar lawr gwlad' i fusnesau ar ddatblygu allforio ledled Cymru. Ers cyhoeddi'r Cynllun Gweithredu ar gyfer Allforio (rhwng mis Ebrill 2021 a diwedd mis Ionawr 2025), mae'r tîm wedi cynnal dros 4,600 o gyfarfodydd gyda busnesau yng Nghymru i drafod datblygu allforio.
2	Bydd ein staff tramor yn hyrwyddo eu marchnadoedd, y cyfleoedd allforio sydd ar gael i fusnesau yng Nghymru a'r cymorth maen nhw'n gallu ei ddarparu drwy ein rhaglen newydd a pharhaus o weminarau un i nifer a chynadleddau fideo un i un gyda chwmnïau yng Nghymru.	Rydym yn parhau i ddarparu rhaglen sylweddol o seminarau/gweminarau/digwyddiadau, gan gynnwys gyda thimau tramor Llywodraeth Cymru yn ogystal ag arbenigwyr eraill yn y farchnad, er mwyn hyrwyddo dealltwriaeth ymysg busnesau o gyfleoedd allweddol yn y farchnad allforio. Er enghraifft, mae ein timau tramor wedi cymryd rhan mewn gweminarau sy'n canolbwyntio ar eu marchnadoedd (gellir gweld gweminarau wedi'u recordio ar wefan Busnes Cymru) yn ogystal â thynnu sylw at gyfleoedd yn y farchnad yn ystod digwyddiadau blaenllaw blyneddol Archwilio Allforio Cymru, a fydd yn cael eu cynnal nesaf ym mis Mawrth 2025.
3	Sicrhau bod y rhwydwaith o Gynghorwyr Masnach Ryngwladol yn gweithio ochr yn ochr â'n gwasanaeth Busnes Cymru, sy'n darparu cymorth i ficrofusnesau, busnesau bach a chanolig a busnesau sydd â photensial twf uchel y mae allforio yn flaenoriaeth busnes iddynt.	Mae'r tîm o Gynghorwyr Masnach Ryngwladol yn gweithio'n agos gyda gwasanaeth Busnes Cymru i wneud yn siŵr y darperir cymorth i'r holl fusnesau perthnasol. Gwneir atgyfeiriadau rhwng tîm Allforio Llywodraeth Cymru a thîm Busnes Cymru ac fel arall yn barhaus, a chynhelir cyfarfodydd diweddar rheolaidd i rannu gwybodaeth am y farchnad. Mae Cynghorwyr Masnach Busnes Cymru hefyd yn ymuno â thimau Llywodraeth Cymru mewn digwyddiadau gan gynnwys Archwilio Allforio Cymru a seminarau.
4	Parhau i ddarparu gwasanaeth llinell gymorth dros y ffôn a llwyfan digidol ar gyfer pob ymholiad a geir gan ficrofusnesau a busnesau bach a chanolig, gan gynnwys ynghylch allforio, drwy ein gwasanaeth Busnes Cymru.	Mae Busnes Cymru yn parhau i ddarparu gwasanaeth llinell gymorth a llwyfan digidol, gan gynnwys ar gyfer allforio. Mae Busnes Cymru yn brysennu'r ymholiadau a geir ac yn eu dosbarthu'n unol â hynny, gan gynnwys i dîm Allforio Llywodraeth Cymru pan fydd angen cymorth mwy cynhwysfawr ar fusnes. Mae desg gymorth Busnes Cymru wedi cael

		256 o geisiadau am gymorth allforio ers lansio'r Cynllun Gweithredu ar gyfer Allforio, ac mae hefyd yn brysennu'r ymholiadau a geir drwy ymgyrchoedd marchnata a LinkedIn.
5	Darparu ymgyrch farchnata enghreifftiol o'r newydd ar allforio a fydd yn arddangos ein hallforwyr llwyddiannus i ysbrydoli busnesau eraill.	Mae ein Timau Marchnata Busnes ac Allforio yn parhau i gynnal ymgyrch Enghreifftiol ar Allforio i arddangos allforwyr llwyddiannus yng Nghymru. Mae 29 o enghreifftiau allforio yn ymddangos ar wefan Busnes Cymru ar hyn o bryd, ac mae rhagor o waith yn cael ei wneud i ychwanegu enghraifft arall fel bod 30 yno erbyn diwedd mis Mawrth 2025. Nod yr ymgyrch yw defnyddio Enghreifftiau Allforio i dynnu sylw at gyfleoedd allforio i fusnesau o Gymru. Bwriad yr ymdrech integredig hon yw defnyddio allforio fel modd o sicrhau cydnorthedd a thwf, gan hyrwyddo'r cynnyrch, y gwasanaethau a'r cymorth allforio a gynigir gan Lywodraeth Cymru. Mae'r gweithgareddau marchnata a chyfathrebu yn cynnwys ffilm hyrwyddo ar ymweliadau â'r farchnad dramor, partneriaethau print a digidol gyda'r cyfryngau fel Wales Online, ac ymgyrch sain ddigidol ar Spotify a DAX. Ar ben hynny, dechreuodd hysbysebion wedi'u targedu ar Sky AdSmart ar 10 Chwefror. Mae pob Enghraifft yn cymryd rhan mewn gweithgareddau cysylltiadau cyhoeddus; mae hynny'n arwain at sylw ar draws gwahanol gyfryngau yng Nghymru ac mewn cyhoeddiadau arbenigol. Mae'r gweithgarwch hefyd yn canolbwyntio ar gyfeirio pobl at y tudalennau gwe Allforio ar Busnes Cymru i gysylltu busnesau sydd â diddordeb â'n cymorth allforio.
6	Mynd ar drywydd busnesau sydd wedi cael cymorth gan Gronfa Dyfodol yr Economi Llywodraeth Cymru o dan y Maes Gweithredu Allforio a Masnach i sicrhau bod cymorth allforio ar gael yn rhwydd iddynt er mwyn eu helpu i gyflawni eu hamcanion.	Mae pob cwmni sydd wedi cael cymorth drwy Gronfa Dyfodol yr Economi o dan y Maes Gweithredu Allforio a Masnach wedi cael cymorth i Allforio gan Lywodraeth Cymru.
7	Sicrhau bod ein cymorth i allforwyr (ar bob cam o'r daith allforio) yn amodol a byddwn yn glir o'r cychwyn cyntaf ein bod yn disgwyl i fusnesau, yn gyfnewid am ein cymorth, ddarparu elw ar fuddsoddiad yn ogystal â chefnogi ein hymdrechion i ehangu ein cyrhaeddiad i fusnesau eraill yng Nghymru.	Mae'r meini prawf cymhwysedd ar gyfer pob busnes sy'n defnyddio rhaglenni cymorth allforio yn glir bod yn rhaid i'r cymorth fod yn gymesur ac adlewyrchu'r elw tebygol ar y buddsoddiad i economi Cymru. Disgwylir i bob busnes a gefnogir drwy raglenni cymorth allforio ddarparu manylion y buddion y mae'r cymorth wedi helpu i'w creu; mae ein Tîm Allforio yn cysylltu â chwmnïau bob blwyddyn i holi am gytundebau allforio o ganlyniad i'n rhaglenni cymorth allforio craidd.
	Y tymor canolig / hirach	Cynnydd
8	Mynd ati'n rhagweithiol i ganfod busnesau sydd â 'photensial allforio heb ei gyffwrdd' (gan gynnwys drwy ein Timau Busnes a Rhanbarthau) i hybu allforio.	Mae tîm Llywodraeth Cymru o Gynghorwyr Masnach Ryngwladol yn ymgysylltu'n rheolaidd â rhanddeiliaid allweddol i fynd ati'n rhagweithiol i ganfod busnesau sydd â photensial allforio heb ei gyffwrdd. Er enghraifft, mae Cynghorwyr Masnach Ryngwladol

		yn ymweld â mannau deori ac arloesi yn rheolaidd er mwyn cyflwyno rhaglenni cymorth allforio Llywodraeth Cymru. Mae'r tîm hefyd yn cael cyfarfodydd rheolaidd â'r Timau Datblygu Economaidd mewn awdurdodau lleol, ac mae hynny'n arwain at groesgyfeirio cwmnïau. Ar ben hynny, mae'r tîm yn mynd i gyfarfodydd/digwyddiadau a drefnir gan sefydliadau sy'n cynrychioli busnesau yn rheolaidd, gan gynnwys Llywodraeth y DU, i hyrwyddo allforio a chymorth allforio Llywodraeth Cymru.
9	Treialu rhaglen 'cwmnïau allforio newydd' arloesol i ddarparu cymorth dwys i nifer fach o fusnesau sydd â'r uchelgais a'r potensial i ddod yn fusnesau allforio newydd yng Nghymru (i gynyddu nifer y busnesau yng Nghymru sy'n allforio mewn ffordd reolaidd a chynaliadwy).	Cyflwynwyd rhaglen beilot 'cwmnïau allforio newydd' lwyddiannus yn 2021-22. Ers hynny, mae'r rhaglen wedi parhau ac wedi cefnogi carfannau o hyd at 15 o fusnesau bob blwyddyn, gan roi cymorth dwys iddynt, sydd wedi'u galluogi i ddod yn fusnesau allforio rheolaidd/cynaliadwy. Mae'r bedwaredd garfan flynyddol, sy'n cynnwys 15 o fusnesau, ar fin gorffen cymryd rhan yn y rhaglen ar gyfer 2024-25, ac rydym yn dechrau paratoi i lansio'r rhaglen ar gyfer y bumed garfan yn ystod 2025-26.
10	Cynnal Cynhadledd Allforio flynyddol i hyrwyddo manteision allforio i fusnesau ledled Cymru, gan roi cyfle iddynt gael gwybod am gyfleoedd yn y farchnad, gweithdrefnau allforio a'r cymorth sydd ar gael gan Lywodraeth Cymru a'n partneriaid cyflenwi.	Cynhaliwyd cynadleddau ym mis Mawrth 2021 (dros y we oherwydd Covid), ac yna ym mis Mawrth 2022 (Caerdydd) a mis Mawrth 2023 (yng Nghaerdydd a Glannau Dyfrdwy), ac yna ym mis Mawrth 2024 (yng Nghaerdydd a Glannau Dyfrdwy). Mae cynadleddau nesaf 'Archwilio Allforio Cymru' i fod i gael eu cynnal ym mis Mawrth 2025 (yng Nghaerdydd a Llandudno). Mae'r digwyddiad wedi dod yn ddigwyddiad allforio blynyddol blaenllaw yng Nghymru, ac mae'n werth nodi bod presenoldeb (a diddordeb) ymysg busnesau wedi cynyddu o un flwyddyn i'r llall, gyda 475 o gynrychiolwyr yn bresennol ym mis Mawrth 2024 (i fyny o 335 yn 2023 a 205 yn 2022).
11	Cynyddu nifer y busnesau rydym yn ymgysylltu â nhw ar allforion.	Yn 2020-21 (h.y. cyn cyhoeddi'r Cynllun Gweithredu ar gyfer Allforio) roeddem wedi cefnogi 187 o fusnesau drwy ein rhaglenni allforio craidd [sylwer: nid yw hyn yn cynnwys nifer cyffredinol y busnesau sy'n rhyngweithio drwy'r tîm o Gynghorwyr Masnach Ryngwladol]. Ers cyhoeddi'r Cynllun Gweithredu ar gyfer Allforio, mae nifer y busnesau sy'n cael cymorth drwy'r rhaglenni allforio wedi cynyddu. Mae'r ffigur blwyddyn lawn diweddaraf ar gyfer 2023-24 wedi nodi bod 280 o fusnesau wedi cael cymorth. Yn ogystal â hynny, ers cyhoeddi'r Cynllun, mae ein cofnodion yn dangos bod dros 500 o fusnesau (a oedd heb ddefnyddio rhaglenni cymorth allforio Llywodraeth Cymru o'r blaen) wedi cymryd rhan yn ein rhaglenni/gweithgareddau i ddatblygu eu hallforion.
Cam 2 – Meithrin Gallu		
	Tymor Byr	Cynnydd

12	Cynyddu ein gallu i gefnogi allforwyr drwy Gyfnod Pontio'r UE, gan ddefnyddio arbenigedd mewnol, allanol a phartneriaid i helpu i ddatrys problemau a heriau tymor byr a thymor hwy.	Cyflwynodd Llywodraeth Cymru nifer o fecanweithiau newydd i atgyfnerthu'r cymorth i allforwyr drwy broses Cyfnod Pontio'r UE a thu hwnt. Roedd hyn yn cynnwys: - ymestyn y rhaglen Datblygu Masnach Ryngwladol bresennol i gynnwys 'Gwasanaeth Holi ac Ateb Cyfnod Pontio'r UE' pwrpasol i roi mynediad uniongyrchol i'n Tîm o Gynghorwyr Masnach Ryngwladol at arbenigedd ychwanegol ar faterion sy'n ymwneud â phrosesau a chydymffurfio er mwyn iddynt allu ymateb yn gyflym ac yn gywir i ymholiadau gan allforwyr. - sefydlu 'Gwasanaeth Cyflwyno Cyflym' a oedd yn golygu bod modd darparu cymorth arbenigol yn uniongyrchol i fusnesau er mwyn datrys materion brys sy'n ymwneud â masnach drawsffiniol a Chyfnod Phontio'r UE fel gweithdrefnau tollau, tariffau a chodau tariffau, dogfennau, cydymffurfriad rheoleiddiol, ac ati. - darparu Rhaglen 'Cyflogi Rheolwr Rhyngwladol' gyda'r nod o gefnogi gallu allforwyr i reoli effeithiau uniongyrchol a thymor hirach ymadael â'r UE ar eu busnesau. - cynnull rhwydwaith o bartneriaid allanol yng Nghymru sydd â'r arbenigedd technegol i gynghori ac arwain allforwyr drwy faterion a heriau sy'n ymwneud â Chyfnod Pontio'r UE. Yn ogystal â'r uchod, bu Llywodraeth Cymru yn gweithio gyda phrosiect 'Field Force' Llywodraeth y DU a oedd yn canolbwyntio ar gysylltu'n rhagweithiol â busnesau sy'n masnachu dros £250k y flwyddyn gyda'r UE yn unig er mwyn asesu a chefnogi eu parodrwydd ar gyfer Cyfnod Pontio'r UE.
13	Cynnal ymgyrch ragweithiol ac wedi'i thargedu i gysylltu â chwmnïau sydd eisoes yn allforio yng Nghymru (gan gynnwys ein Hallforwyr Mawr) i ganfod effaith COVID-19 ar eu busnes allforio a rhoi pecyn priodol ynghyd o gymorth rhaglen allforio.	Fel uchod, bu Tîm o Gynghorwyr Masnach Ryngwladol Llywodraeth Cymru yn ymgysylltu â busnesau ynghylch allforion (gan gynnwys cwmnïau sydd eisoes yn allforio) drwy gydol cyfnod Covid a thu hwnt. Cafodd rhaglenni penodol o gymorth allforio eu haddasu i liniaru effeithiau Covid, er enghraifft, roedd y rhaglen teithiau masnach tramor yn cynnwys cyfres o deithiau masnach 'rhithiol' a oedd yn galluogi busnesau yng Nghymru i barhau i gael cyfle i gwrdd â darpar gleientiaid newydd dramor heb fod angen teithio.
14	Parhau i gyflwyno ein rhaglen Datblygu Masnach Ryngwladol i gefnogi ymchwil i'r farchnad/cymhwyster, a sicrhau ei bod yn cael ei haddasu i gael gwybod beth yw tirwedd y marchnadoedd ar ôl COVID-19, yr hyn mae'n ei	Mae'r rhaglen Datblygu Masnach Ryngwladol wedi parhau i gael ei chyflwyno ers cyhoeddi'r Cynllun Gweithredu ar gyfer Allforio, gan roi gwybodaeth ac ymchwil i fusnesau i'w helpu i ddeall y dirwedd allforio'n well ac i wneud penderfyniadau

	olygu i fusnesau, ac felly darparu gwybodaeth hanfodol ynghylch sut mae paratoi ar gyfer y dyfodol.	gwybodus am weithgarwch allforio yn y dyfodol. Ers cyhoeddi'r Cynllun (o fis Ionawr 2021), mae 162 o brosiectau Datblygu Masnach Ryngwladol wedi cael eu cyflawni.
15	Datblygu fframwaith newydd ar gyfer 'Clystyrau Allforio' yng Nghymru er mwyn meithrin capasiti a gallu allforio'n systematig ar sail un i nifer. Rhaglen beilot fydd hon i ddechrau ar gyfer un o'n sectorau allweddol a bydd yn adeiladu ar fodel Clwb Allforio Bwyd a Diod Cymru.	Yn dilyn rhaglen beilot lwyddiannus o glwstwr allforio ar gyfer y sector Technoleg Feddygol a Diagnosteg, sefydlwyd cynllun 'Clystyrau Allforio' llawn yn 2021. Mae'r clystyrau allforio canlynol yn parhau i gynnig cymorth allforio: ▪ Technoleg Feddygol a Diagnosteg ▪ Technoleg ▪ Gweithgynhyrchu uchel ei werth ▪ Nwyddau Defnyddwyr ▪ Ynni Adnewyddadwy ac Ynni Glân Mae'r clystyrau allforio hyn yn ychwanegol at y Clwstwr Allforio Bwyd a Diod presennol. Mae cyfanswm o fwy na 330 o fusnesau yng Nghymru yn cael cymorth i ddatblygu eu hallforion ar draws pob clwstwr allforio. Cyhoeddwyd arolwg o effeithiolrwydd y clystyrau allforio ym mis Rhagfyr 2024.
16	Cyflwyno (ar y cyd â phartneriaid chyflenwi) rhaglen strwythuredig o ddigwyddiadau/seminarau yng Nghymru (dros y we yn y tymor byr) i godi ymwybyddiaeth o gyfleoedd mewn marchnadoedd a phrosesau allforio ar sail un i nifer.	Ers cyhoeddi'r Cynllun Gweithredu ar gyfer Allforio, mae rhaglen sylweddol o seminarau/gweminarau wedi cael ei chyflwyno i fusnesau yng Nghymru. Mae'r digwyddiadau wedi ymdrin â nifer o bynciau allforio, er enghraifft, datblygu strategaeth allforio lwyddiannus; e-fasnach; rheolau tarddiad; gofynion tollau, ac ati. Mae'r digwyddiadau hefyd wedi ymdrin ag amrywiaeth o farchnadoedd allforio allweddol i godi ymwybyddiaeth o gyfleoedd a chynghor ar sut i gynnal busnes, gan gynnwys Japan, UDA, Iwerddon, Yr Emiraethau Arabaidd Unedig, Canada, Awstralia, De-ddwyrain Asia, ac ati. Ers mis Ebrill 2021, mae dros 60 o ddigwyddiadau wedi cael eu cynnal, gyda dros 800 o gyfranogwyr.
17	Atgyfnerthu ein cymorth digidol i allforwyr drwy gyflwyno modiwlau hyfforddi bach ar-lein ar bynciau allforio ar Wasanaeth Cymorth Busnes Ar-lein (BOSS) Busnes Cymru ar gyfer busnesau nad ydynt wedi allforio o'r blaen; a'n Parth Allforio gan gynnwys ein Hyb Allforio newydd sy'n rhoi canllawiau manwl ar bob agwedd ar allforio.	Mae chwe modiwl hyfforddi ar hanfodion allforio wedi cael eu creu a'u cyhoeddi drwy lwyfan BOSS Busnes Cymru. Yn ogystal â hyn, mae'r Hyb Allforio ar-lein ar gael i bob busnes yng Nghymru ac mae'n cynnig adnodd pwrpasol a chynhwysfawr sy'n dod â'r data, yr wybodaeth a'r canllawiau diweddaraf ar allforio at ei gilydd mewn un porth. Mae hyn yn cynnwys cymorth i fusnesau ddod o hyd i gyfleoedd allforio; yn ogystal â darparu gwybodaeth am ddarparu nwyddau i farchnadoedd tramor. Ym mis Ionawr 2025, mae 359 o bobl wedi cofrestru i ddefnyddio'r Hyb. Ochr yn ochr â chymorth Llywodraeth Cymru, mae Llywodraeth y DU/Adran Busnes a Masnach yn cynnig Academi Allforio sy'n darparu hyfforddiant ar-lein i allforwyr, ac mae

		ein tîm o Gynghorwyr Masnach Ryngwladol yn parhau i fynd ati'n rhagweithiol i hyrwyddo hyn i fusnesau yng Nghymru.
18	Darparu cymorth arbennig i allforwyr drwy ein rhaglen grant Cyflogi Rheolwr Rhyngwladol (IM4H) a fydd yn helpu i liniaru risgiau gadael yr UE ac yn meithrin gallu cadernid i helpu i ddiogelu busnes yn yr UE a/ neu ddod o hyd i gyfleoedd eraill mewn marchnadoedd y tu allan i'r UE.	Roedd IM4H wedi ennyn diddordeb ymysg busnesau allforio pan gafodd ei lansio'n wreiddiol ddiwedd yr haf 2019. Wrth i'r amhariad cychwynnol yn sgil ymadael â'r UE leihau, gostyngodd y diddordeb yn y rhaglen, felly cafodd y rhaglen ei chau ym mis Ebrill 2023. Cafodd cyfanswm o 10 o geisiadau am gymorth eu cymeradwyo.
19	Helpu ac annog cwmnïau i ddatblygu eu gallu allforio drwy Grant Hyfforddiant Allforio sy'n darparu cymorth wedi'i dargedu i staff ymgymryd â hyfforddiant achrededig sy'n gysylltiedig ag allforio.	Mae'r Grant Hyfforddiant Allforio wedi bod ar gael drwy gydol y Cynllun Gweithredu ar gyfer Allforio ac mae'n parhau i fod ar gael i fusnesau yng Nghymru. Mae'r grant yn parhau i alluogi busnesau i gael gafael ar gyllid i ddarparu hyfforddiant achrededig i staff er mwyn gwella eu gallu i allforio. Mae 17 o brosiectau wedi cael eu cwblhau ers lansio'r Cynllun Gweithredu ar gyfer Allforio.
20	Ehangu ein rhaglen Datblygu Masnach Ryngwladol i gynnwys cyngor ar e-fasnach i allforwyr, yn enwedig i gefnogi llwyfannau ar-lein i werthu ac i farchnata.	Cafodd y rhaglen Datblygu Masnach Ryngwladol ei haddasu (ym mis Chwefror 2022) i gynnwys adran unigryw i ddarparu cymorth ar e-fasnach. Yn ogystal â hyn, mae Llywodraeth Cymru hefyd wedi darparu seminarau ar gyfer busnesau sy'n canolbwyntio'n benodol ar ddatblygu e-fasnach, er enghraifft: gweminar e-fasnach ym mis Hydref 2022; seminarau yng nghynadleddau Archwilio Allforio Cymru ym mis Mawrth 2024; ynghyd â threfniadau i gynnal seminarau yn Sir Benfro a Chonwy yn yr hydref 2024. Bydd rhagor o seminarau'n cael eu cynnal fel rhan o Archwilio Allforio Cymru ym mis Mawrth 2025.
Y tymor canolig / hirach		Cynnydd
21	(yn amodol ar gynllun peilot llwyddiannus) Ehangu ein rhaglen Clwstwr Allforio i gynnwys rhagor o sectorau allweddol.	Yn dilyn cynllun peilot clwstwr allforio Technoleg Feddygol a Diagnosteg, cyhoeddwyd y clystyrau ychwanegol canlynol ym mis Hydref 2021: • Technoleg • Gweithgynhyrchu uchel ei werth • Nwyddau Defnyddwyr • Ynni Adnewyddadwy ac Ynni Glân Gweler Adran 15 (uchod) am ragor o fanylion am glystyrau allforio.
22	Annog busnesau bach a chanolig i ddefnyddio rhaglen SMARTCymru Llywodraeth Cymru i 'arloesi i allforio' er mwyn gwella eu parodrwydd ar gyfer y farchnad ac i gryfhau eiddo deallusol.	Mae tîm Allforio Llywodraeth Cymru yn parhau i gynorthwyo busnesau arloesol yng Nghymru i allforio, gan gefnogi'r gwaith cyffredinol o gyflawni Strategaeth Arloesi Llywodraeth Cymru. Mae atgyfeiriadau cymorth i fusnesau yn cael eu gwneud yn barhaus rhwng y timau Arloesi ac Allforio.

23	Darparu diweddariadau cyfathrebu/cylchlythyrau rheolaidd ac wedi'u targedu fel ffordd i 'estyn allan' i'n busnesau yng Nghymru, gan ddarparu'r wybodaeth ddiweddaraf yn rheolaidd am dueddiadau yn y farchnad a chyfleoedd sy'n dod i'r amlwg.	Mae gan Dîm Allforio Llywodraeth Cymru nifer o fecanweithiau allgymorth ac mae'n parhau i'w defnyddio mewn ffordd wedi'i thargedu. Mae hyn yn cynnwys: • Rhestr bostio e-bost a ddefnyddir i hyrwyddo digwyddiadau allforio yng Nghymru a thramor • Cylchlythyr Busnes Cymru • Sianeli cyfryngau cymdeithasol i dynnu sylw at negeseuon parhaus ynghylch cymorth allforio • Rhaglen marchnata allforion barhaus wedi'i chynllunio i ysbrydoli allforwyr yn bennaf drwy ein hymgyrch Enghreifftiau Allforio a gyflwynir ar y cyd â'r Tîm Marchnata Busnes • Mae'r tîm hefyd yn gweithio gyda phartneriaid yr Ecosystem Allforio i hyrwyddo'r cymorth allforio sydd ar gael. Ar ben hynny, drwy'r Clystyrau Allforio, mae dau gylchlythyr dwyieithog fesul clwstwr yn cael eu paratoi bob blwyddyn, ac mae'r rhain yn tynnu sylw at lwyddiannau allforio, cyfleoedd yn y farchnad i fusnesau sy'n aelodau, astudiaethau achos, ac ati.
----	--	--

Cam 3 – Dod o hyd i gwsmeriaid

	Tymor Byr	Cynnydd
24	Parhau i ddatblygu ein rhaglen Cyfleoedd Masnach Ryngwladol i gefnogi busnesau i ddod o hyd i gwsmeriaid addas yn y farchnad. Byddwn yn sicrhau bod y rhaglen yn cael ei haddasu i gefnogi busnesau sydd o bosibl wedi colli gwerthiant rhyngwladol sylweddol oherwydd COVID-19, i'w helpu i 'ailgysylltu' â chwsmeriaid rhyngwladol neu ddod o hyd i rai newydd i 'gymryd lle' y rheini sydd wedi cael eu colli. Byddwn hefyd yn cynnig y rhaglen Cyfleoedd Masnach Ryngwladol gyda chymhorthdal llawn am gyfnod.	Parhaodd y rhaglen Cyfleoedd Masnach Ryngwladol i gyflawni drwy gydol cyfnod Covid-19 ac fe'i haddaswyd i alluogi cwmnïau i drefnu rhith-gyfarfodydd yn hytrach na chyfarfodydd wyneb yn wyneb tra'r oedd cyfyngiadau teithio'n cael eu gorfodi. Cafodd ffi'r cwmni am raglen Cyfleoedd Masnach Ryngwladol hefyd ei rhewi o fis Mawrth 2020 tan fis Gorffennaf 2023, gan ddarparu rhagor o fudd ariannol i fusnesau. Ers cyhoeddi'r Cynllun (o fis Ionawr 2021), mae 197 o brosiectau Cyfleoedd Masnach Ryngwladol wedi cael eu cyflawni.
25	Cyflwyno gwasanaeth 'trefnu cyfarfodydd rhithiol' newydd drwy'r rhaglen Cyfleoedd Masnach Ryngwladol fel ffordd o helpu busnesau i gwrdd â darpar gwsmeriaid/partneriaid mewn marchnadoedd tramor.	Yn unol â'r uchod, ychwanegwyd gwasanaeth trefnu cyfarfodydd rhithiol at y rhaglen Cyfleoedd Masnach Ryngwladol yn dilyn y cyfyngiadau teithio adeg Covid-19. Mae'r gwasanaeth hwn yn parhau felly mae gan fusnesau a gefnogir drwy raglen Cyfleoedd Masnach Ryngwladol yr opsiwn i drefnu cyfarfodydd wyneb yn wyneb neu gyfarfodydd rhithiol.

26	Rhoi mwy o bwyslais ar Swyddfeydd Tramor Llywodraeth Cymru i ddod o hyd i gyfleoedd busnes posibl yn eu marchnadoedd perthnasol y gellid eu cyfateb gyda busnesau yng Nghymru a lle gallai'r busnesau hynny gystadlu.	Fel y nodwyd yng Nghamau 2 ac 16, mae timau Tramor Llywodraeth Cymru wedi cynnal nifer o seminarau/digwyddiadau i dynnu sylw at gyfleoedd busnes yn eu marchnadoedd perthnasol, ac maent yn parhau i wneud hynny. Bydd cynadleddau Archwilio Allforio Cymru ym mis Mawrth 2025 yn cynnwys cynrychiolwyr o holl dimau Tramor Llywodraeth Cymru, yn ogystal â seminarau sy'n canolbwyntio ar gyfleoedd mewn marchnadoedd allweddol fel UDA, Japan a'r Undeb Ewropeaidd.
27	Sicrhau y bydd ein swyddfa yn Llundain yn hwyluso cysylltiadau â chynrychiolwyr o farchnadoedd tramor gan gynnwys Llysgenadaethau, Uchel Gomisiynau a Siambrau Masnach i gefnogi allforwyr yng Nghymru.	Mae Swyddfa Llywodraeth Cymru yn Llundain yn parhau i hwyluso cysylltiadau â Llysgenadaethau, Uchel Gomisiynau ac ati yn barhaus. Er enghraifft, ym mis Tachwedd 2024, cynhaliodd y Prif Weinidog ddigwyddiad ar gyfer y corfflu diplomyddol yn y swyddfa yn Llundain i dynnu sylw at flaenoriaethau rhyngwladol cyffredinol, gan gynnwys cymorth i allforwyr Cymru. Daeth cyfanswm o 127 o gynrychiolwyr i'r digwyddiad o fwy na 60 o wledydd; roedd y mwyafrif llethol ohonynt yn gynrychiolwyr lefel Llysgennad/Uchel Gomisiynydd neu Ddirprwy Bennaeth Cenhadaeth. Ar ben hynny, yn ystod blwyddyn galendr 2024, cafodd 28 o Lysgenhadon/Uchel Gomisiynwyr/Gweinidogion ymweliadol eu croesawu gan y tîm Cysylltiadau Rhyngwladol yng Nghymru.
Y tymor canolig / hirach		Cynnydd
28	Darparu cyfeiriadur ar-lein newydd 'Prynu o Gymru' a fydd yn galluogi prynwyr tramor i gysylltu â chyflenwyr yng Nghymru yn haws fel ffordd o hwyluso mwy o gyfleoedd masnachu.	Mae'r cam hwn wedi cael ei ddatblygu drwy'r cynllun Clwstwr Allforio, ac mae datblygu cyfeiriadur ar-lein sy'n tynnu sylw at bob busnes ym mhob Clwstwr Allforio wedi bod yn rhan allweddol ohono. Cyhoeddir y cyfeiriaduron ar wefan Busnes Cymru a gellir eu defnyddio i ddod o hyd i bartneriaid masnachu posibl yng Nghymru, gan gynnwys gan brynwyr tramor, sydd â diddordeb yn y cynnyrch/gwasanaethau a gynigir gan aelodau'r clwstwr.
29	Cefnogi allforwyr mawr drwy ddarparu gwybodaeth a dealltwriaeth strategol, cyflwyniadau a chynghor i fanteisio ar gyfleoedd mewn marchnadoedd newydd.	Mae ein Hyb Allforio ar-lein yn darparu data a gwybodaeth am y farchnad i helpu busnesau, gan gynnwys allforwyr mawr, i ddyfeisio a mireinio eu strategaethau allforio ac i ddod o hyd i gyfleoedd allforio newydd posibl. Ar ben hynny, mae ein tîm o Gynghorwyr Masnach Ryngwladol sydd wedi'u lleoli ar hyd a lled Cymru yn ymateb i ymholiadau gan allforwyr mawr ac yn rhoi cymorth iddynt yn ôl yr angen. Gall ein staff sydd wedi'u lleoli dramor hefyd ddarparu gwybodaeth leol ac arweiniad i allforwyr o bob maint, gan gynnwys allforwyr mawr, yn ogystal â hwyluso cyflwyniadau i

		arbenigwyr mynediad i'r farchnad, uwch staff Llywodraeth y DU, partneriaid busnes posibl, cwsmeriaid, prynwyr, ac ati.
30	Manteisio i'r eithaf ar ein cysylltiadau diwylliannol a chwaraeon, cymell tawel a diplomyddiaeth economaidd i arddangos ein hallforwyr mawr yn eu marchnadoedd strategol.	Mae digwyddiadau diwylliannol, chwaraeon a digwyddiadau eraill yn parhau i gael eu defnyddio fel llwyfan i hyrwyddo allforion Cymru. Er enghraifft, adeg Cwpan Rygbi'r Byd yn Ffrainc yn 2023 (ac yn ystod 'Blwyddyn Cymru a Ffrainc'), cynhaliwyd nifer o ddigwyddiadau a oedd yn canolbwyntio ar fasnach, gan helpu allforwyr Cymru i archwilio cyfleoedd i allforio yn y farchnad. Fel rhan o ddigwyddiadau wedi'u trefnu i ddathlu Dydd Gŵyl Dewi, cynhaliwyd digwyddiadau sy'n canolbwyntio ar fasnach mewn amrywiol farchnadoedd, gan gynnwys Iwerddon ac Awstralia. Yn yr un modd, ym mis Mehefin 2025, fel rhan o ddigwyddiadau a fydd yn cael eu cynnal yn ystod Expo 2025 yn Japan (ac fel rhan o 'Flwyddyn Cymru a Japan') mae taith fasnach o fusnesau Cymru wrthi'n cael ei threfnu.
Cam 4 – Cyrraedd y Farchnad		
	Tymor Byr (ac o bosibl tymor canolig / hirach)	Cynnydd
31	Adolygu ein rhaglen digwyddiadau masnachu tramor er mwyn canolbwyntio ar y marchnadoedd a'r sectorau sydd wedi cael eu hamlinellu'n gynharach yn y cynllun hwn, yn ogystal hefyd â chroesawu'r digwyddiadau diwylliant a chwaraeon mawr hynny sy'n gallu cynnig cyfleoedd i'n hallforwyr.	Mae rhaglen digwyddiadau masnachu tramor Llywodraeth Cymru yn cael ei hadolygu bob blwyddyn ac yn seiliedig ar anghenion cyffredinol busnesau i deithio i farchnadoedd/arddangosfeydd allweddol. Fel y nodwyd yng Ngham 30, mae rhai digwyddiadau'n cyd-fynd â digwyddiadau diwylliannol/chwaraeon, lle bo hynny'n briodol. Cyhoeddir y rhaglen ar wefan Busnes Cymru lle gall busnesau fynegi diddordeb mewn cymryd rhan. Ers cyhoeddi'r Cynllun, mae 72 o ddigwyddiadau masnachu tramor wedi cael eu cynnal, gan gefnogi bron i 900 o gynrychiolwyr.
32	Cyflwyno 'rhith-ymweliadau â'r farchnad' newydd drwy weithio'n agos gyda'n Swyddfeydd Tramor a gyda'n partneriaid eraill yn y farchnad pan fydd angen fel yr Adran Busnes a Masnach a Siambrau Masnach. Bydd hyn yn cefnogi ein hymrwymiaidau ehangach ar gynaliadwyedd ac yn golygu na fydd angen cymaint o deithio rhyngwladol.	Cyflwynwyd rhith-ymweliadau â'r farchnad/teithiau masnach yn ystod y cyfnod lle'r oedd cyfyngiadau teithio o ganlyniad i Covid-19. Roedd y rhain yn adnodd allweddol o ran helpu busnesau Cymru i gynnal busnes fel arfer (cyn belled ag y bo modd). Er bod busnesau wedi croesawu'r cyfle i ymgysylltu â chwsmeriaid posibl yn y farchnad yn rhithiol yn ystod cyfnod Covid, roedd arddangosfeydd masnach byd-eang ar ôl y pandemig wedi dychwelyd i ddigwyddiadau wyneb yn wyneb heb unrhyw rith-gyfleusterau. Mae diddordeb a chyfranogiad mewn prosiectau Teithiau Masnach ac Ymweliadau Tramor i Ddatblygu Busnes hefyd wedi tyfu'n sylweddol ers 2021. Er enghraifft, cwblhawyd 31 o brosiectau Ymweliadau Tramor i Ddatblygu Busnes yn 2021-22, ond yn 2024-25 hyd at ddiwedd mis Ionawr mae 162 o brosiectau wedi cael eu cwblhau. Ar ben hynny, ymunodd 13 o gynrychiolwyr â Medica pan gafodd ei gynnal ar-

		lein ym mis Tachwedd 2020; ond denodd Medica yn Düsseldorf yn 2024 dros 50 o gynrychiolwyr o Gymru sy'n brawf o'r galw i gwrdd â chwsmeriaid posibl wyneb yn wyneb. Ar ôl i gyfyngiadau Covid ddod i ben, fe ddaeth y rhith-ymweliadau rhithiol/teithiau masnach i ben mewn ymateb i ofynion busnes. Serch hynny, mae'r gwasanaeth trefnu cyfarfodydd rhithiol (drwy'r rhaglen Cyfleoedd Masnach Ryngwladol) yn dal ar gael i fusnesau. Yn yr un modd, drwy'r rhaglen Allforwyr Newydd, rydym wedi rhoi cyfle i fusnesau gynnal cyfarfodydd 'rhithiol' yn y farchnad.
33	Parhau i gynnig ein cymorth grant Ymweliadau Tramor i Ddatblygu Busnes i helpu busnesau i deithio'n annibynnol i ddatblygu cyfleoedd busnes allforio newydd. Yn y tymor byr, rydym yn disgwyl gweld gostyngiad yn y galw am hyn, ac ystyried y cyfyngiadau ar deithio, fodd bynnag, pan fydd busnesau'n gallu teithio, byddwn yn ehangu'r cymhwysedd ar gyfer y grant (am gyfnod penodol) i helpu busnesau i adennill busnes mewn marchnadoedd sydd eisoes yn bodoli (yn ogystal â chwilio am gyfleoedd busnes newydd) fel ffordd arall o adfer gweithgareddau allforio.	Mae'r grant Ymweliadau Tramor i Ddatblygu Busnes wedi parhau i gael ei gyflwyno ers cyhoeddi'r Cynllun Gweithredu ar gyfer Allforio, gan roi cymorth i fusnesau gael ymweld â marchnadoedd tramor yn annibynnol er mwyn archwilio cyfleoedd busnes newydd. Ers cyhoeddi'r Cynllun (o fis Ionawr 2021), mae 459 o brosiectau Ymweliadau Tramor i Ddatblygu Busnes wedi cael eu cyflawni.
34	Drwy ein Swyddfeydd Tramor, darparu digwyddiadau a gweithgareddau yn y farchnad, er enghraifft, cyfarfodydd briffio, gwneud cysylltiadau yn y farchnad (yr Adran Fasnach Ryngwladol, siambrau, clystyrau, rhwydweithiau), gweminarau cyn-cenhadaeth ar-lein i helpu busnesau i baratoi.	Cynhelir sesiwn briffio marchnad / digwyddiad ar-lein cyn pob taith fasnach ac arddangosfa. Mae'r rhain yn cael eu cyflwyno gan Dîm Allforio Llywodraeth Cymru gyda chymorth o fewn y farchnad gan ein timau tramor neu, os ydynt yn canolbwyntio ar farchnad lle nad yw Llywodraeth Cymru yn bresennol, partneriaid eraill yn y farchnad. Yn yr un modd, mae pob taith fasnach yn rhoi sesiwn briffio yn y farchnad i'r rhai sy'n bresennol ar ddechrau'r digwyddiad (yn y farchnad) a derbyniad rhwydweithio ganol yr wythnos i hyrwyddo presenoldeb cynrychiolwyr Cymru ymhellach yn y farchnad.
35	Drwy ein Swyddfeydd Tramor, darparu cymorth 'ar lawr gwlad' i gefnogi busnesau yng Nghymru i gynnal ymweliadau sy'n canolbwyntio ar allforio i'w rhanbarth boed hynny fel rhan o ddirprwyaeth fasnach sydd ar ymweliad neu'n annibynnol.	Darparu cymorth i fusnesau yng Nghymru sy'n awyddus i ddatblygu eu busnes allforio yw un o swyddogaethau craidd timau tramor Llywodraeth Cymru. Yn ogystal â darparu cymorth i fusnesau sy'n teithio'n annibynnol i'r farchnad, mae'r timau tramor hefyd yn darparu cymorth i fusnesau sy'n cymryd rhan mewn teithiau masnach sydd wedi'u trefnu gan Lywodraeth Cymru ac sy'n mynd i arddangosfeydd masnach.
	Y tymor canolig / hirach	Cynnydd
36	Defnyddio unrhyw bresenoldeb mewn arddangosfeydd tramor fel ffordd o hyrwyddo Cymru fel un o'r lleoliadau gorau ar gyfer mewnfuddsoddi, yn enwedig pan fydd aliniad rhwng naill ai ffocws sector y digwyddiad neu'r farchnad lle mae'r digwyddiad yn cael ei gynnal gyda chynigion buddsoddi craidd Cymru.	Ar gyfer sectorau a marchnadoedd penodol, mae presenoldeb Llywodraeth Cymru mewn arddangosfeydd masnach hefyd yn cael ei ddefnyddio fel sail dros hyrwyddo cyfleoedd mewnfuddsoddi i Gymru, ac mae ein timau Allforio a Mewnfuddsoddi (ochr yn ochr â thimau eraill sy'n ymwneud â busnesau) yn gweithio'n agos i sicrhau eu bod yn manteisio i'r eithaf ar y cyfleoedd hynny. Er enghraifft, yn arddangosfeydd Cynhadledd

		Datblygwyr Gemau, Medica, Money 2020, MRO Europe, Arddangosfa NiwcLEAR y Byd, Sioe Awyr Paris ac Arab Health.
37	Drwy ein Swyddfeydd Tramor, dod o hyd i weithgareddau allforio yn y farchnad yn eu rhanbarthau, er mwyn cyfrannu'n uniongyrchol at waith cynllunio cyffredinol digwyddiadau masnach ac yn enwedig ar y cyd â phartneriaid eraill yn y farchnad, fel yr Adran Busnes a Masnach, siambrau a rhwydweithiau clwstwr.	Fel rhan o'n gwaith adolygu a chynllunio ar gyfer y rhaglen Digwyddiadau Masnachu Tramor flynyddol, mae timau tramor Llywodraeth Cymru (ochr yn ochr â thimau perthnasol eraill Llywodraeth Cymru) yn nodi'r potensial mewn digwyddiadau/gweithgareddau marchnad yn eu rhanbarthau perthnasol, sy'n cyfrannu'n uniongyrchol at y rhaglen derfynol, a chytunir ar hynny yn ddiweddarach gan Weinidogion ac fe'i cyhoeddir ar wefan Busnes Cymru.
38	Drwy ein Swyddfeydd Tramor, arddangos cynnyrch a gwasanaethau a defnyddio cyfleusterau swyddfa (pan fo'n bosibl) i hwyluso cyfarfodydd a digwyddiadau yn y farchnad.	Pan fydd lle ar gael, mae cynnyrch/gwasanaethau o Gymru yn cael eu harddangos yn rheolaidd yn swyddfeydd tramor Llywodraeth Cymru. Er enghraifft, ym Mrwsel mae gennym amrywiaeth o gynnyrch o Gymru sy'n cael eu harddangos yn swyddfa Llywodraeth Cymru. Yn yr un modd, mae cynnyrch a gwasanaethau'n cael eu harddangos yn rheolaidd mewn digwyddiadau yn y farchnad (er enghraifft, mae bwyd a diod o Gymru yn cael eu darparu yn ystod digwyddiadau Dydd Gŵyl Dewi).
39	Comisiynu ymchwil yn y dyfodol ar farchnadoedd a sectorau allforio targed â blaenoriaeth i sicrhau bod ein gweithgareddau, gan gynnwys ein rhaglen o ddigwyddiadau, yn canolbwyntio ar y marchnadoedd a'r cyfleoedd iawn (yn enwedig er mwyn deall y dirwedd ar ôl COVID-19 yn well). Bydd hyn hefyd yn ystyried cyfleoedd sy'n gysylltiedig â pholisi masnach y DU sy'n cael ei ddatblygu a chytundebau masnach y dyfodol.	Bu tîm Gwybodaeth, Dadansoddeg ac Ystadegau Llywodraeth Cymru yn rheoli prosiect allanol i ymchwilio i farchnadoedd allforio targed â blaenoriaeth. Mae canlyniadau'r ymchwil wedi cael eu defnyddio wrth ystyried a datblygu'r rhaglen Digwyddiadau Masnachu Tramor flynyddol. Ar hyn o bryd rydym wrthi'n gwerthuso'r rhaglenni cymorth allforio craidd (gan gynnwys digwyddiadau masnachu tramor) a gyflwynir drwy'r Cynllun Gweithredu ar gyfer Allforio, a fydd yn cael ei gyhoeddi erbyn yr haf 2025.